

nægir að benda á, að öll hin orþódoxa skoðun á Kristi og þrenningarhugmyndin, frá sjónarmiði þess sem söguna les, var hægfara vinningur einnar skoðunar yfir að minsta kosti tveimur öðrum, og að sú skoðun, er ofan á varð, var í rauninni afleiðing af vissri útskýringu á alheiminum, sem nú finnur engan vísindalegan eða heimspekislegan stuðning. Frá því fyrsta hefir frjálslynda trúin verið að eyðileggja þann sigur, því hinir frjálslyndu hafa æfinlega fært fram á móti honum hina mikilíffenglegu heimspeki nútíðarinnar, sem leitast við að útskýra heiminn án þess að raska einingu guðdómsins. Hún finnur enga þörf á því að framsetja þessar tvær hugmyndir um guð yfir heiminum og guð í heiminum sem tvær persónur í guði. Enn fremur hefir frjálslynda trúin eyðilagt sigur gömlu heimspekinnar með því að framsetja kenningar sínar með tilhjálp trúarlegrar sálarfræði, en ekki frumspekislegum heilabrotum um alheiminn. Trúarleg sálarfræði fæst að eins við hið leyndardómsfulla samband manna við guð og hjálp þá, sem það veitir í gegnum dyrkun og tilbeiðslu, sem er algjörlega frábrugðin yfirskilvitlegum hugmyndum, og á þess vegna sem trú ekkert skylt við heimsspeki þá er eðli Krists var ákveðið með. Frjálslynda trúin kemst að réttari niðurstöðu í gegnum samanburðar yfirlit yfir önnur trúarbrögð utan kristindómsins, og í gegnum slíkan samanburð sér hún réttilega hin stórkostlegu og dýrmætu áhrif Jesú. Í gegnum söguna sér hún þann, sem vegna þess að hann elskaði réttlæti og hataði ranglæti, hafði sannari frið og fögnuð heldur en allir hans samtímismenn, þann sem sýndi hið siðferðislega persónugildi mannins í hverri þraut og gaf lífinu þýðingu og háar hvatir, þýðingu hins fullkomnasta mannlífs og hvöt til kærleikans og hins góða.

Þessi sögulega rannsókn á kristskenningunni, sem var tekin upp snemma og hefir lifað lengi sem arfleifð og sögusögn, hefir leitt í ljós hvað ófrumleg kenning sú er og hversu skamt í rauninni hún nær. Rannsókn þessi er yfir höfuð að tala starf manna, sem ekki eru taldir að tilheyra oss únitörum. Hún er starf fræðimanna á Þjóðverjalandi, Frakklandi og Hollandi, er blátt áfram eru frjálslyndir meðlimir kyrkna, er ekki hafa sem